



**Affordable  
healthcare  
on the cards  
for SA**

*Page 6*



SOUTH AFRICA

**SA ready  
for local  
government  
elections**

*Page 9*

**JOBS  
INSIDE**

## More funding support for students

Albert Pule and More Matshediso

**G**overnment has set aside an additional R6.912 billion to support university education.

Announcing the additional funding, Higher Education and Training Minister Blade Nzimande said this was a strong indication that government had listened to the concerns raised by university students last year during their march against university fee increases.

"As an immediate measure, we have resolved the zero percent fee increment for 2016 with universities, which amounted to R2.33 billion... University students who meet the National Student Financial Aid Scheme (NSFAS) means test will not be required to pay upfront payments when registering this year," said the Minister.

The R6.912 billion additional funding includes the R2.33 billion for resolving the zero percent fee increment; R2.543 billion is for NSFAS to provide loans to assist 71 753 identified students, who were either partially funded or not funded at all in the past three academic years.

Minister Nzimande said students who have performed well and come from disadvantaged families will receive financial help from government.

The NSFAS has been allocated over R700 million for full bursaries for scarce and critical skills for the current year from the National Skills Fund (NSF).

"This funding is made available through the financial aid offices at universities, and students wishing to make use of these bursaries are advised to enroll for critical skills study programmes, which include science, commerce, health sciences, engineering and many others," said Minister



Higher Education Minister Blade Nzimande announced additional funding to help deserving students to complete their studies.

Nzimande.

The Minister said NSFAS has also earmarked R72.9 million in the 2016 academic year to provide financial aid to disabled students in universities.

"The department is committed to expanding access and success in our institutions for students who have special needs," said the Minister.

At technical and vocational education and training (TVET) colleges, government pays 80 per cent of the programme cost of the student's choice, with an additional allocation being made dependent on the type and severity of the disability.

"Government will assist students who display academic ability but come from poor and disadvantaged families through

NSFAS at all 26 public universities and 50 public TVET colleges throughout the country.

"NSFAS will be funding 205 000 first-time entering and continuing eligible students at universities and 200 000 students at TVET colleges in 2016 by providing student loans and bursaries totaling R10 million," said Minister Nzimande.



## STATE OF THE NATION ADDRESS

by President Jacob Zuma

### Thursday, 11 February 2016, from 19:00

Catch it live on television, radio and social media

Follow us on  #SONA and participate in discussions on  @GovernmentZA

Together we move South Africa forward



REPUBLIC OF SOUTH AFRICA



PABALESEGO LE TSHIRELETSEGO

Duela madi a tlamelo ya bana e seng jalo o tla sengwa leina

CHILD MAINTENANCE CHECK LIST

(1) WHAT THE APPLICANT NEEDS TO BRING TO THE MAINTENANCE OFFICE AT THE MAGISTRATES' COURT WHEN MAKING AN APPLICATION FOR CHILD MAINTENANCE:

(2) NOTE: BRING THE FOLLOWING DOCUMENTATION TO THE MAINTENANCE OFFICE TO MAKE COPIES AND IF THESE ARE NOT AVAILABLE ON THE DATE OF APPLICATION PLEASE BRING THE DOCUMENTS ON THE NEXT DAY AND/OR ON THE HEARING DATE.

(3) UNAVAILABILITY OF THE DOCUMENTS ON THE DATE OF APPLICATION FOR MAINTENANCE SHOULD NOT STOP THE APPLICANT FROM COMPLETING THE J101 APPLICATION (FORM A TO THE MAINTENANCE REGULATION), WHICH IS ATTACHED TO THIS CHECK LIST AS ANNEXTURE "B1".

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Certified copies of the child/children's birth certificates	
3. Three months bank statement (LATEST)	
4. Three months proof of income(payslip) or the signed letter from the employer confirming your income.	
5. Physical/work address of the person responsible for paying the maintenance money.	
6. List of your income and expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
7. Full name of parent/person responsible for paying the maintenance money.	
8. Copy of Decree of Divorce (in the case of divorce)	

AFTER THE TICK OFF ON THE CHECKLIST THEN MAINTENANCE SUPERVISOR SHOULD ADD HIS/HER SIGNATURE AND DATE, TO ENSURE ALL NECESSARY DOCUMENTS WILL BE AVAILABLE

MAINTENANCE SUPERVISOR

Signature: .....


Date: .....

WHAT THE RESPONDENT NEEDS TO BRING TO COURT WHEN APPEARING BEFORE THE MAINTENANCE OFFICER FOR ENQUIRY/MEDIATION

The respondent is require to bring all the required documents on the date of enquiry:

DOCUMENTS REQUIRED FOR MAINTENANCE ENQUIRY/MEDIATION	Please tick off
1. An identity book (green book with your photo) or passport or drivers licence and or immigration permit	
2. Three months bank statement (Latest)	
3. Three months proof of income(payslip) or the signed letter from the employer confirming your income	
4. Proof of physical work and residential address	
5. List of your expenditure e.g. water and lights bill, till slips for groceries, school expenses; medical and travel receipts, clothing accounts, etc.,	
6. Provide the copy of the maintenance court order if there is a maintenance court order against you in another court	
7. Birth certificates of all your other biological children other than children in question	

NB: THE MATTER WILL NOT BE POSTPONED BECAUSE OF LACK OF THE ABOVE- MENTIONED DOCUMENTS, SO IT IS COMPULSORY THAT THE MAINTENANCE OFFICER /CLERK EXPLAIN THAT THE PARTIES SHOULD COMPLY WITH THE REQUIREMENTS ON THE RETURN DATE.



the doj & cd

Department:  
Justice and Constitutional Development  
REPUBLIC OF SOUTH AFRICA

Noluthando Mkhize

Batsadi ba ba sa dueleng madi a tlamelo ya bana ba bona, ga ba tlhole ba na le kwa ba tla tshabelang teng. Moporesitante Jacob Zuma, go sa le gale, o saenile Molaotlhabololo wa Tlamelo ya Bana (Molao wa bo 9 wa 2015) go nna molao

wa semmuso go netefatsa gore ba ba sa du-eleng madi a tlamelo ya bana ka tshwanelo ba sengwa leina. Motlatsatona ya Bosiamisi le Tlhabololo ya Molaotheo, John Jeffery o rile Molao ono o letla gore batho ba ba sa dueleng ka tshwanelo madi a tlamelo ba begiwe kwa ditheong tse di rebolang dikoloto kgotsa kwa dikgwebong

tsa dielo tsa dikoloto gammogo le go gogelwa madi mo moputsong kgotsa mo morokotsong go tswa mo mothaping.

Go tlhabololwa ga Molao wa Tlamelo ya Bana, 1998 e nnile ntlhakgolo mo lefapheng mme o ikaelela go tswela go tokafatsa tsamaiso ya tlamelo ya bana.

“Lefapha la Bosiamisi le Tlhabololo ya Molaotheo, mo dingwagasomeng di le pedi tse di fetileng le ntse le ineetse mo go netefatseng tshireletso ya bana mo setšhabeng sa rona.

“Nngwe ya dintlha tse di nang le seabe sa botlhokwa mo matselong a bana ba rona ke madi a tlamelo ya bana,” ga rialo Motlatsatona Jeffery.

O tlaleditse ka gore Molaotlhabololo wa Madi a Tlamelo ya Bana o fetola Molao wa Madi a Tlamelo ya Bana go tokafatsa tsamaiso ya madi a tlamelo ya bana, fa go santse go letilwe tshekatsheko ya Molao o ka Khomišene ya Poposešwa ya Molao ya Aforika Borwa.

Molao o mošwa o, ga o a tshwanela go lejwa o le esi, gonne ke karolo ya ditsela tse di farologaneng tse di tlhagisiwang ke lefapha, go tlisa phetogo ya mmatota mo thebolong ya ditirelo go batswelwamosola ba madi a tlamelo ya bana.

“Mekgwa e, e tlhomilwe go netefatsa gore basadi ba fitlhelela bosiamisi botoka le go fitlhelela dikgotlatshekelo tsa rona.”

THULAGANYO YA DITUELELO TSA MATLOLEKAILEKETERONIKI(EFT)

Motlatsatona Jeffery o rile thulaganyo ya EFT e tokafaditse mokgwa wa dituelo tsa tlamelo ya bana. Thulaganyo e e thusa batswasetlhabelo go bona madi mo matsatsing a le mane morago ga gore lefapha le amogele tuelo.

“Ka thulaganyo ya EFT, lefapha jaanong le fetisetse madi mo diakhaontong tsa batswelwamosola ka tlhamalalo.”

“Se se bolokela batswelwamosola nako le madi a go ya kwa kgotlatshekelo go newa madi ao. E bile ke tsela e e babalesegileng. Ga jaana, 98% ya batswelwamosola ba dirisa tsamaiso ya EFT.”

O rile ba ba iseng ba dirise tsamaiso ya EFT bontsi jwa bona ke baditšhaba kgotsa batho ba ba senang makwalo a boitshupo a a

tlhokegang kwa dibankeng fa motho a bula akhaonto ya banka.

Lefapha le tswela go rerisana le Lefapha la Merero ya Selegae le ditheo tsa dibanka go thusa badirisi ba.

“Ka tsamaiso ya dituelo ka tlhamalalo kgotlatshekelo e laela, fa motswelwamosola a dumela, moikarabedi go tsenya madi a tlamelo ya bana ka tlhamalalo mo akhaontong ya motswelwamosola ya banka.”

TAOLO E E MOMAGANENG YA DIKGETSE TSA MADI A TLAMELO YA BANA

Motlatsatona Jeffery o rile lefapha le tlhagisitse Taolo e e Momaganeng ya Dikgetse tsa Madi a Tlamelo ya Bana e e disang dikgetse go tloga ka go kwadisiwa ga kopo ya madi a tlamelo ya bana go fitlha go rebolwa taelo ya tuelelo ya madi a tlamelo ya bana.

“Se se baka thebolelo e e bonako ya ditirelo ka ntlha ya fa bontsi jwa tiro e dikgotlatshekelo di neng di e dira ka go kwala mo dipampiring, ga jaana e dirwa ka mokgwa wa ileketeroniki. “Ngwaga mongwe le mongwe wa ditšhelete, lefapha le tswela go thapa batlhankedi ba tlamelo ya bana le batlhotlhomisi ba tlamelo ya bana go tokafatsa thebolelo ya ditirelo.”

Go ya ka Tona, mo dingwageng di le nne tsa ditšhelete tse di fetileng, lefapha le okeditse badiri ba ditirelo tsa madi a tlamelo ya bana ka go thapa batho ba le 247.

Ka 2015/16, batlhankedi ba bangwe ba madi a tlamelo ya bana le batlhotlhomisi ba tla thapiwa.

Maikaelelo ke go netefatsa tlamelo e e lekaneng ya badiri kwa lefelong lengwe le lengwe la tirelo go tokafatsa tsamaiso ya madi a tlamelo ya bana go ralala naga.

Go bona tshedimosetso e e tseneletseng ka ga tlamelo ya bana, golagana le Moatefokate Mulalo Netshisaulu mo go 012 315 1512 kgotsa MNetshisaulu@justice.gov.za

Tse o tlhokang go di itse ka wili

Noluthando Mkhize

Tsela ya go netefatsa gore ba o ba ratang ba tlhokomelwa sentle fa loso lo goroga ke go kwala wili.

Wili, e e itsegeng gape jaaka testamente, ke tokomane e mo go yona motho a tlhalosang gore go tshwanetse ga diragala eng ka dithoto tsa gagwe fa a tlhokafala.

O ka tlhopha motho kgotsa batho, ba ba itsegeng jaaka baababoswa, e leng bona ba ba tshwanetseng go tsamaisa boswa jwa gago morago ga loso lwa gago.

Motho yo o dirang wili o itsege jaaka mongwili.

“Go tlhalosa [wili] ka mafoko a a tlhaloganyegang go ka twe ke lenaane la dikeletso tsa motho fa a tlhokafala.”

“Wili ke fa motho a tlhalosang gore dithoto tsa gagwe di tshwanetse go abiwa jang. Fa o na le dithoto, o batla gore mang a neelwe dithoto tsa gago,” ga rialo Cecilia Mphela Mothusa-Mmaseta go tswa kwa Mmaseta wa Kgotlatshekelo kgolo ya Aforika Borwa mo Kgaolong ya Gauteng e e leng karolo ya Lefapha la Bosiamisi le Tlhabololo ya Molaotheo.

DITLHOKWA TSA WILI E E SIAMENG

Go ya ka Lefapha la Bosiamisi le Tlhabololo ya Molaotheo, fa e sale ka 1 Ferikgong 1954, wili e tshwanetse go kwadiwa. E ka kwadiwa ka seatla, ya tlanngwa kgotsa ya gatisiwa.

Mongwili o tshwanetse go saena wili kwa

bokhutlong.

Tshaeno ya mongwili e tshwanetse go dirwa fa pele ga dipaki di le pedi kgotsa go feta tse di nonofileng.

Fa wili e na le ditsebe di feta e le nngwe, tsebe nngwe le nngwe ntle le mo tsebeng ya bofelo, e tshwanetse go saeniwa gongwe le gongwe mo tsebeng ke mongwili kgotsa ke motho mongwe yo o maleba.

Le fa mongwili a tshwanetse go saena ditsebe tsotlhe tsa wili, ke tsebe e wili e felelang mo go yona fela e e tshwanetseng go saeniwa kwa bokhutlong jwa wili.

Mokhomišenara wa dikano o tshwanetse go netefatsa gore o kgotsofetse ka boitshupo jwa mongwili le gore wili jaaka e saenilwe ke wili ya mongwili yoo.

Mokhomišenara wa dikano le ena o tshwanetse go saena tsebe nngwe le nngwe ya wili gongwe le gongwe mo tsebeng.

GO TLHOPHA MOABABOSWA

Mphela o rile fa o thala wili, o nna le tšhono ya go tlhopha moababoswa.

“Yo ke motho yo a tla bong a tsamaisa le go abela batswelwamosola dithoto.”

Boswa jwa motho ke dilo tsa gagwe dithoto le dikoloto tse a neng a na natso fa a tlhokafala.

Go tsamaisa boswa go kaya go kokoanya kgotsa go tsaya taolo ya dithoto tsotlhe tsa moswi, go duela dikoloto tse moswi a di tlogetseng fa a tlhokafala, mme morago a duele bajaboswa ba ba maleba se se setseng jaaka go kwadilwe mo wiling.

Mphela a re fa motho a kwala wili, o tshwanetse go bo a le bonnye jwa dingwaga di le 16 le go feta, a itekanetse sentle mo tlhaloganyong mme a nne le dipaki di le pedi tse di nang le dingwaga di le 14 kgotsa go feta ba ba ka neelang bopaki kwa kgotlatshekelo ya molao.

“Dipaki ga di tlhoke go buisa wili ya gago. O ka ikwalela wili ya gago kgotsa wa kopa mongwe go e go kwalela.”

O tlaleditse ka gore bagakolodi ba tsa matlole, babueledi le dibanka di ka go naya maele ka ga go kwala wili.

Mphela o rile batho ba bantsi ba rata go di-

risa dibanka go ba thusa go kwala diwili, mme se se dira gore banka e nne yona moababoswa wa diwili tse ba di kwadileng.

“Mo mabakeng a, dibanka di tla ikgolaganya le batswelwamosola tebang le wili. Ka gale go botlhale go itsise batswelwamosola ba gago gore o na le wili.”

Go bona tshedimosetso/ditirelo tsa tlhokomelo ya bareki: chiefmaster@justice.gov.za Mogala: 012 406 4805 Fekese: 086 5444 893



PABALESEGO LE TSHIRELETSEGO

Ntsha matlho dinameng kgatlhanong le bogodu jwa inthanete



Lt Col Erica Holtzhausen

Fela jaaka dinaga tse dingwe mo lefatsheng, Aforika Borwa e mo kotsing ya bosenyi ka inthanete. Go ya ka Tirelo ya Sepodisi sa Aforika Borwa (SAPS), Aforika Borwa e latlhegetswe ke R5.8 bilione ka ntlha ya bosenyi ka inthanete ka 2014. Bokana ka 47% ya maAforika Borwa a a dirisang megala ya ditirodintsi e nnile batswasetlhabelo ba bosenyi ka inthanete. Go banka ka inthanete ke selo sa ntlha se disenyi ka inthanete di se dirisang mo Aforika Borwa. Bosenyi ka inthanete ke ditiragalo tsa bosenyi tse di dirwang ka dikhomphiutha kgotsa

inthanete. Di-baerase tsa khomphiutha, bonweenwee ka inthanete le diimeile tsa tsietso ke ditsela tse di tlwaelegileng tse disenyi di di dirisang go bona tshedimosetso ya sebele e e tlhokegang go dira bosenyi jo. Magareng ga Ferikgong 2011 le Phatwe 2012, go begilwe dikgetse di le 90 000 tsa batho ba e nnileng batswasetlhabelo ba diimeile tsa tsietso, e leng se se bakileng gore batho ba latlhegelwe ke R94 milione. Diimeile tsa tsietso di kaela modirisi go etela webosaete e mo go yona a kopiwang go netefatsa dintlha tsa gagwe tsa sebele, jaaka *password*, dinomoro tsa akhaonto ya karata ya sekoloto, tsa lekwaloitshupo kgotsa tsa banka.

O ka itshireletsa jang:

- Se sitholole dimametelele tsa diiemile kgotsa go tobetsa dilinki tse di belaetsang. Se se ka baka go suthisiwa ga tshedimosetso le go senngwa leina ga tshedimosetso e e masisi.
- Leba dithulaganyo tsa tshireletso tsa Facebook ya gago mme o thope go itsisiwe ka sms kgotsa imeile fa mongwe a leka go tsena mo akhaontong ya gago ka sediriswa se sele.
- Tlhokomela dipapatso tsa maaka tsa ditiro ka inthanete tse di lopang dintlha tsa gago tsa sebele le setshwantsho sa gago.
- Ditheo di tshwanetse ka gale go disa pharakano ya inthanete.
- Mekgatlho ka gale e tshwanetse go elatlhoko tiriso ya mafaratlhatlha.
- Tsenya *password* e e thata mo mogaleng wa gago wa letheke go go thusa go sireletsa tshedimosetso ya gago ya sebele.
- Sitlholola fela ditiriso tsa motswedi o o ikanyegang.
- Dirisa ditsela tsa tuelo tse di sireletsegileng fa o reka ka mogala wa gago wa letheke.

Yuniti ya Bosenyi ba Ileketeroniki (ECU) ya SAPS e tlhomilwe ka 2011 go samagana le bosenyi ka inthanete le bosenyi ba ileketeroniki. Moborikadiri Piet Pieterse, yo o eteletse

pele ECU, o rile seabe sa yuniti ya gagwe ke go samagana le bosenyi jwa dikgwebo, jo bo akaretsang bosenyi jo bo rulagantsweng le

- MaAforika Borwa a ka bega bosenyi ka inthanete jaaka bothokaina ka go letsetsa Tikwatikwe ya Megala ya Thibelo ya Bosenyi mo go 08600 10111.
- Thibelo ya Bosenyi ke tikwatikwe ya kgolagano ya bosetšhaba e e nang le babotsolodi ba ba katisitsweng sentle, ba ba nang le bonnye katiso ya motheo ya botseka.

bonweenwee. “Go na le bopaki jo bo farologaneng jwa dijithale jo bo supang ntlha e e bothlokwa ya dipatlisiso tsa sepodisi e bile bo ka nna bothlokwa mo go tshegetseng bosekisi mo mefuteng e e farologaneng ya bosenyi,” ga rialo Moborikadiri Pieterse. Go ya ka SAPS, bosenyi ka inthanete ga e tlhole e le ka ga batho ba ba batlang go fitlhelela ditsamaiso tsa khomphiutha fela go ijesa monate kgotsa go bontsha gore seo se a kgonega. Disenyi tse di dirang bosenyi jo, di golagane sentle e bile di latelela thata ba ba dirisang ditirelo tsa inthanete. Ditlamorago tsa bosenyi ka inthanete, e ka tswa e le tsa go bona madi kgotsa go tshosetsa bana, di ka nna dikgolo le go nna le seabe se se bosula mo ikonoming.

*\*Lt Col Erica Holtzhausen ke tokololo ya SAPS.*

Ditirelo tsa tshegetso go batswasetlhabelo ba ditlolomolao tsa thobalano

Sinenhlanhla Mkhwanazi

Batswasetlhabelo ba ditlolomolao tsa thobalano ga jaana ba tla nna le ditirelo tse di botsalano, tse di nonofileng e bile di le kelotlhoko kwa Dikgotlatshekelo tsa Ditlolomolao tsa Bosenyi jwa Thobalano tse di thankgolotsweng ke Lefapha la Bosiamisi le Tlhabololo ya Molaotheo. Go sa le gale, lefapha le thankgolotse Dikgotlatshekelo tsa Ditlolomolao tsa Bosenyi jwa Thobalano kwa Durban (KwaZulu-Natal) le kwa Atlantis (Kapa Bophirima). “Moreromogolo o o amang bogolo jwa tiro ya lefapha, ke go netefatsa gore batho botlhe mo Aforika Borwa ba sireletsegile e bile ba ikutlwa jalo,” ga rialo Tona ya Bosiamisi le Ditirelo tsa Kgopololo, Michael Masutha fa go bulwa Kgotlatshekelo ya Ditlolomolao tsa Bosenyi jwa Thobalano ya Atlantis. Go tlhongwa ga dikgotlatshekelo tse ga se fela karolo ya boineelo jwa lefapha jwa ditirelo tsa bosiamisi tse di fitlhelwang ke batswasetlhabelo ba bosenyi jwa thobalano, mme go neela maatla Molaothlhabololo wa Bosenyi (wa Ditlolomolao tsa Bosenyi le Merero e e Amanang) wa bo 32 wa 2007. Ka Seetebosigo 2012, Setlhophatiro se se Gakololang Tona ka ga Merero ya Katlholo ya Bosenyi jwa Thobalano (MATTSO) se ne sa tlhongwa go batlisisa kgonego ya go busetsa dikgotlatshekelo tsa ditlolamolao tsa thobalano mo nageng. Ka Phatwe 2013, MATTSO e ne ya romela katlenegiso ya go tokafatsa dikgotlatshekelo di le 57 tsa dikgaolo go nna dikgotlatshekelo tsa ditlolamolao tsa thobalano mo dingwageng di le tharo. “Fa e sale ka Phatwe 2013, lefapha le tlhomile dikgotlatshekelo tsa ditlolomolao tsa thobalano di le 43, tse di dirang go ya ka setshwantsho se se atlenegisitsweng ke MATTSO. Re ikemiseditse go rebola ditirelo tse di ikaegileng ka batswasetlhabelo,” ga rialo Tona Masutha. Dikgotlatshekelo tsa Ditlolomolao tsa Thobalano di tlamela ka ditirelo tse di kgethegileng tsa tshegetso go batswasetlhabelo go thibela go etegediwa ga maemo le kutlobotlhoko go batswasetlhabelo ba bosenyi ba thobalano, ka go tshola

motswasetlhabelo ka tlotlo le go netefatsa bosephiri ba gagwe. Mokgwa o mošwa o, o ikaelela gape le go tokafatsa dieelo tsa katlholo tsa bosenyi jwa thobalano le go fokotsa paka ya go tloga ka letlha le go begiwa kwa sepodising go fitlha ka go konosetsa kgetse. “Seelo sa katlholo tebang le ditlolomolao tsa thobalano le sone se oketsegile mme mo kgweditharong ya ntlha ya 2015/16, Bothati jwa Bosekisi jwa Bosetšhaba (NPA) bo supile 71.1% ya seelo sa katlholo,” ga rialo Tona Masutha.

**KGOTLATSHEKELO YA DITLOLOMOLAO TSA THOBALANO YA DURBAN** Fa a ne a bua kwa go tlhongweng ga Kgotlatshekelo ya Ditlolomolao tsa Thobalano ya Durban, Mokaedikakaretso Nonkululeko Sindane o gateletse gore go tlhongwa ga kgotlatshekelo e go supa boineelo jwa lefapha jwa go samagana le tirisodikgoka kgatlhanong le ditlhopha tse di bokoa mo setšhabeng. Ditokololo tsa baagi di solofela gore dikgotlatshekelo tse di tla thusa mo ntweng kgatlhanong le tirisodikgoka ka thobalano mo ditikologong tsa bona. Nomthembu wa kwa Chersterville kwa KwaZulu-Natal o supile fa a tlhobaediwa ke magatwe a petelelo ya lesea la dibeke di le pedi ka 2010. “Re solofela gore ka thuso ya Kgotlatshekelo ya Ditlolomolao tsa Thobalano ya Durban kgetse e e belaelwang ya petelelo e tla salwa morago,” a rialo. Mokaedi wa NPA kwa KwaZulu-Natal Moatefokate Moipone Noko o solofeditse go sala kgetse eo morago. Ditokololo tsa baagi le ditokololo tsa setšhaba di rotloediwa go dirisana le puso go lwantsha tirisodikgoka ya thobalano mo mafelong a bona. “Go baka mafelo a a babalesegileng le naga e e babalesegileng, puso e tshwanetse go ikanya



o tlhongwa ga Dikgotlatshekelo tsa Ditlolamolao tsa Thobalano go kaya gore batswasetlhabelo ba ka fitlhelela ditirelo tse di nonofileng.

tshegetso ya baagi. Ke ka semphato fela re ka solofelang go samagana le bosenyi le go netefatsa gore batho ba rona ba ikutlwa ba babalesegile,” ga rialo Tona Masutha. Dikgotlatshekelo tse dišwa tse tsa ditlolomolao tsa thobalano di rebola ditirelo tse di latelang: • Ditirelo tsa go baakanyetsa kgotlatshekelo: Thulaganyo e, e go tlwaetsa ditsamaiso, mekgwatsamaiso, ditirelo le mesola ya kgotlatshekelo. E teng go go thusa go nna paki e e nonofileng mo kgotlatshekelo. Ka letlha la tsheko, o tla amogelwa ke Motlhankedi wa Paakanyetso ya Kgotlatshekelo (CPO). • Ditirelo tsa tsereganyo: Fa o le motswasetlhabelo wa ngwana kgotsa motho yo o nang le bogole jwa tlhaloganyo, motšhotšhisi o tla dira kopo kwa kgotlatshekelo gore o neele bopaki mo phaposing ya bopaki ya sephiri ka thuso ya motsereganyi. Motsereganyi o go botsa dipotso tsa kgotlatshekelo ka tsela e e tlhaloganyegang. • Diphaposi tsa tetelo tsa poraefete tsa batswasetlhabelo ba bagolo le ba bana: Phaposi ya bopaki ya bana e na le fenitšhara e e diretsweng go fitlhelela ditlhokwa tsa bana ba ba utlwileng botlhoko. E na gape le lefelo la go tshamekela, lefelo la go buisetsa le sofa ya bolao go ikhutsa. Phaposi ya tetelo ya bagolo le yona e na le fenitšhara e e tla dirang gore maitemogelo a kgotlatshekelo

a nne a a edileng go batswasetlhabelo. • Ditirelo tsa thobomaikutlo ya pele le ya morago ga tsheko: Ditirelo tsa puisano tsa pele le morago ga kutlobotlhoko: CPO e tla go thoba maikutlo ka ga botlhoko jo o bo utlwisitsweng pele tsheko e simolola le morago ga gore e konosediwe, go go thusa go samagana le kutlobotlhoko e e bakilweng ke tiragalo e e rileng. • Ditirelo tsa phaposi ya poraefete ya bopaki/tsa kgotlatshekelo e e tswetsweng: Fa o le paki ya mogolo, molao o go letla go neela bopaki o le mo phaposing ya poraefete ya bopaki ka tiriso ya mafaratlhatlha a thelebišene fa o ikutlwa go dira jalo. Se, se netefatsa gore o se nne mo lefelong le le lengwe le molatofadiwa fa o neela bopaki. • Ditirelo tsa dituelo tsa dipaki: Lefapha le tlamela dipaki ka dituelo go di thusa mo dituelelong tsa leeto le mo dijong fa ba le kwa kgotlatshekelo.

**TIKWATIKWE YA TLHOKOMELO YA THUTHUZELA YA ATLANTIS:** Jaaka karolo ya ditirelo tsa tshegetso ya batswasetlhabelo, Tona Masutha o tlhomile Tikwatikwe ya Tlhokomelo ya Thuthuzela (TCC) ya Atlantis kwa Bookelong jwa Westfleur. Di-TCC ke mafelo a ditiro tse di farologaneng mme bontsi jwa tsona bo kwa mafelong a tlhokomelo ya boitekanelo. Di tlamela ka tikwatikwe ya ditiro tse di farologaneng tse mo go tsona mafapha otlhe a a bothlokwa mo go kokoanyeng bopaki jwa motswasetlhabelo le go thusa ka paakanyo e e tla bakang tshekiso e e nonofileng, a fitlhelwang mo lefelong le le lengwe. Go na le mafelo a le 55 a TCC a a tlamelang ka ditirelo go batswasetlhabelo ba tirisodikgoka ka thobalano, mme a le 50 a tsona a setse a dira otlhe fa go bapiswa le a le 38 mo ngwageng wa ditšhelete o o fetileng.

*\*Sinenhlanhla Mkhwanazi o direla Lefapha la Bosiamisi le Tlhabololo ya Molaotheo.*